

影印
文淵閣

四庫全書

影印

文淵閣四庫全書

第一一三四冊

北京出版集團公司
北京出版社

本冊目次

雲溪集

宋 郭 印撰……………一

盧溪文集

宋 王庭珪撰……………九七

附 脫 錄藁

屏山集

宋 劉子翬撰……………三五
劉 坪編……………一

目

北海集

附 錄

宋 綦崇禮撰……………五二

欽定四庫全書

集部

雲溪集卷一至三

詳校官左中允_臣璿五珠

主事_臣呂雲棟覆勘

謄錄貢生_臣王

載

謄錄監生_臣汪

麟

欽定四庫全書

集部四

提要

雲溪集十二卷

別集類三宋

臣等謹案雲溪集十二卷宋郭印撰印詩數百篇散見永樂大典各韻中皆題曰雲溪集而宋史藝文志及諸家書目均未著錄惟厲鶚輯宋史紀事載印為成都人政和中進士而亦不詳其官爵所錄詩僅二首一從全蜀

欽定四庫全書

雲溪集
提要

藝文志摘出為遊大隋山詩一從四川總志摘出則即集中遊下巖寺詩是也今按集中有雲溪雜詠小序自題亦樂居士且稱性嗜水竹經營二十載始得一畝之園云云則雲溪乃其別墅之名又有過銅梁縣詩云攝職臨茲邑於今五十年又仁壽縣山齋詩云隨牒幾推遷銅章領巖邑又次韻宋南伯云衰遲來作邑勞苦劇萬狀則嘗累任縣令晚始退

居又贈劉元圭詩今年歲八十之語則其齒亦躋上壽觀所作養生歌及讀易詩蓋有得於導引之術者其交游最密為曾慥計有功等皆一時博雅之士則印亦勝流矣特以集久不傳故錄宋詩者遂罕能稱述耳今據永樂大典所載分體編輯釐為十二卷其詩才地稍弱未能自出機杼而清詞雋語辭香實在眉山以視宋末嘈雜之音固為猶有典刑矣

欽定四庫全書

雲溪集
提要

二

乾隆四十六年九月恭校上

總纂官

臣紀昀
臣陸錫熊
臣孫士毅

總校官

臣陸費墀

欽定四庫全書

雲溪集卷一

宋 郭印 撰

四言詩

和仲長統詩二首

造化一機乾坤一殺死生蟲臂勝負蝸角達人於道混
混殊俗賢非喪明則非不足賊生戶牖禍徵帷幄聚蟻
貪羶飛蛾赴燭彈雀以珠抵鵲以玉喪精失靈皆由多
欲命也天齊愚夫自促

欽定四庫全書

雲溪集
卷一

致虛守靜其術至寡有相皆虛無物不可包藏寥廓該
攝細瑣出入隱顯妙用由我九天匪高九地匪下駕鶴
周遊魚魚雅雅焚蕩三彭性空真火大道甚夷學孝僻
左發車推轂捨舟搖施五金八石殘生爐冶

五言古詩

蜀州試闈登樓西山巍然可愛因用試舉子股肱蕭曹詩肱字韻賦詩一篇呈同舍

棘闈倦羈束何異韝上鷹突兀有高樓寸目堪遠凝雨

殘空正霽暑盡秋初澄西山橫一天奇峯矗層層素約
念樵子煙霞同曲肱口腹在塵土擺脫良未能嵩岱久
隔絕氛霾尚薰烝唯有岷峨秀宇宙誇峻嶒或悵碧雲
合或瞻紅日昇危欄朝暮意拉君時一登

類試院考校九月十日塔之八級中現寶光揚
齊伯有詩記其事亦賦一首

崢嶸大千界等是菩提鄉昆蟲暨草木各放無邊光而
況佛之覺靈明亘十方化身三昧火骨節金彌剛纍纍

欽定四庫全書

雲漢集
卷一

二

燦五色珠璣斗斛量寶傳百世後伽藍深秘藏錦官岌
浮圖直上千穹蒼中有堅固子示現尤非常朝來八級
內明燈忽煌煌胥隸走驚詫觀者即堵牆初疑伏螢過
顯沒何微茫繼如兩星出左右爭飛揚是時霽霧歛若
木昇太陽儻非照耀成不知果何祥西南一都會廣開
選士場定應得奇才歸美報君王

臨都試院考校已畢諸公尚恨遺才勉作數語

釋其意

平時參與商會遇何由緣相從棘闈中再見月之弦歡
然臭味合言笑浩無邊論事快今古談玄貫天淵白袍
閱多士燈窗極精研所得乃溢數無路能周旋躊躇不
忍舍在野恐遺賢我時職監視日食亦千錢一言為訂
正少逌饕餮愆譬如滿盤珠差擇先光圓又如采美玉
疵瑕終棄捐茲事既不免吾心白日懸羣公人中傑行
簞蓬瀛仙願開取士額條畫奏上前

迂帥夜渡廣漢

欽定四庫全書

雲漢集
卷一

三

負弩迎使車暮塗頗忽迫篝火滅還明羸駕費鞭策行
行漢江滄月照沙水白登舟越驚濤未濟忽歎側可憐
為升斗性命鴻毛擲人生誰貴賤同是蘧廬客敢輕干
戶侯願丐五畝宅歸共老農遊飲酣歌帝澤

早行界上迂何使者

天星半牢落月窗光罔罔僮婢寐正酣四鄰雞犬靜而
我獨何之倒衣不及整呵鞭驅寒驢霜風破裘領既無
王事敦又匪奉朝請窮年憊將迎功業羞明鏡相如徒

四壁李子無二頃何時滌塵纓農畝迹甘屏

上李西美制置

諦觀天地間物物無非易有情洎無情與我固真一伏羲未仰俯卦象已先畫乾坤易之門神機盡開闢周文魯仲尼傳授何太密古今元共處心心印空寂展編韋三絕門人豈語詰曾高本愚魯超然入于室子思中庸篇孟軻仁義術于易初不言此道皎如日寥落餘千載學者空陳迹條葉競尋採幾人擷其實盤根有仙李靈

欽定四庫全書

雲溪集

四

茅一枝出衣鉢自家傳獨智探聖域契茲三聖書美牆面相覲雅懷親炙願進退終踟躕達人具大觀胃次吞溟渤斐章露肝膽猶愧多言失儻許接玄談平生事已畢

送韓美成都大赴夔帥

公來雪山重公去雪山輕少陵有是語申言餞公行公初來蜀時豺狼浩縱橫剪除二三輩百獸弭耳驚坐令坤維地衆醉稍稍醒仁風被動植德澤覃幽明咸云真

使者有眼未曾經今將夔子去方面倚長城雖分閭外憂三川難為情岷山黯無色錦水咽無聲政恐狐狸出依然擾吾民鄙夫為之言汝曹且靜聽我公非常人夷夏知威名平生活國心須臾不少寧天欲靖乾坤平步公與卿大攄康濟學引手援生靈

送韓美成帥荆南

何國不生士汝穎獨多奇公於羣行中玉潔了無疵少年遊官場英譽蔚四馳郎宿爭璀璨使星勝光輝去惡

欽定四庫全書

雲溪集

五

如去草根本須芟夷就義若就渴事難必勇為姦吏戢猛虎良民撫嬰兒髦節已歷試人訝鋒車遲遺愛猶在益去思今滿夔行行遠荊州迤邐近丹墀深嗟鷁首東孤猿失攀依愁看巫峽內江山氣慘悽但同此邦民日日誦清徽它年黃閣下簪履或收遺

送种守

羣峯逶迤來落處如鼎峙真仙鑿鹽穴下引滄溟水英氣鍾人物衣冠何濟濟古來陵陽守賢哲多卧理公分

一歲符治譽歛然起鈴齋清晝閒山色入簾几璽書換
金淵要踵前兄美跨鼉煙雲愁十日雨不止聞昔乃祖
風勲業照國史尺箠鞭羗夷奇謀付孫子青雲且遇合
未信朱輪圻行觀舊物歸一洗中原耻

送路守

道衰世彌隘俗薄人易驕一為居所移盛氣干雲霄官
曹出已下俯視如僬僥崇卑兩懸絕相望天壤遠倚歎
路漢州冠纓早影彰亨衢快著鞭壯歲亟乘軺耘耔於
欽定四庫全書
雲漢集
卷一
六
色盡茂德日以昭竭來西南守揀拔自公朝侯館賓客
富平湖水竹饒退食未為樂鸞輿萬里遙赤子拊吾民
良朋遇吾僚薰然四時春草木無枯焦明朝馬首西秋
風更蕭條當宁方急賢三旌副旁招

詩別杜安行赴合州守

雁水分攜後懸懸二十秋世路少青眼人生易白頭况
復遭亂離長懷家國憂是中欲傾倒一面終無由君從
萬里歸訪我三日留寒燈話平生尊酒相勸酬喜極感

今昔潜然涕將流君行駕朱轡我亦稻粱謀努力盡此
道全身早歸休林泉遵素約杖屨發清游庶幾踐前言
毋俾猿鶴羞

送董守

房相風流遠寥寥四百年西湖有陳迹水竹尚蒼然公
來刺是邦魚鳥亦安全官閒得放曠樂事踵前賢亭臺
一增飾草木發天妍瓜期秋風來歲月驚翩翩長橋淡
孤月老樹含愁煙賴有龐眉叟送行賁百錢

欽定四庫全書

雲漢集
卷一

送陳守

惟昔號能吏在公勤嚴明挾茲來共理教化日流行堂
堂陳漢州所至樹風聲四美出天性早擅循良名平心
衡稱物敏手刀發硯姦黠膽欲破隱伏無遁形千里歸
鎮靜人神各安寧愛物及魚鳥游泳全其生興言誦嘉
政不待三年成房湖天下絕好景無陰晴退食來徜徉
風月攬詩情脩竹如君直流水如君清豈無宴賞心對
此樂事并國步正艱險天驕尚縱橫惜哉廊廟器乃雨

屈專城瓜期忽忽來歲月令人驚車轍不容卧去意一
何輕金陵一水通當宁思豪英况最郡守課由來入公
卿君才森武庫可當十萬兵行矣佐中興力扶天柱傾
送雷公達觀赴召

我觀靖康初塵氛蒙帝闕君臣失上著社稷幾危絕君
時沉布衣抗疏何悲切言聽豺狼誅狐狸肝膽裂鐵騎
稍稍去佞諛歸一轍小臣更不容排擯爭媒孽後來禍
何如欲語氣先噎七年坐閉廢口舌宜鉗結技癢不復
欽定四庫全書
雲溪集
卷一
禁囊封仍論列朝廷果召還愛士如飢渴魏闕心久馳
行色安可遏江山阻且長忠信自平達露肘見天子首
薦經綸說邦榮身亦榮無愧古明哲

送喻廸孺赴召

志士居環堵常懷天下憂而况立王朝為國當遠謀中
原亂戎馬騷擾十三秋宮闕翳草莽井邑成墟丘先生
身補外興言淚長流滿腹貯經綸寸絲殊未抽篇章洩
幽憤山雲為之愁遂令寰海間望治空悠悠詔旨忽旁

招喜氣扶仙舟風濤照孤忠軒陛需嘉猷屈指在廷彥
如公實罕儔片言儻遇合男兒志願酬方今艱難際皇
祚若綴旒百靈盡掃除羣黎自歌謳古來系遠人莫先
政事修要當效甫申宜但為枚鄒高堂有甲兵千里歸
坐籌贊成中興功踵跡商與周

送吳蜀州還朝

達官眎貧賤遠絕間天壤門墻與莫窺鼎茵恣居享令
行雷風前氣吐虹霓上陋彼衡門流揮斥同草莽堂堂
欽定四庫全書
雲溪集
卷一
吳蜀州浩氣深涵養毫端掃千軍曾次包萬象驕色盡
耘耔儒林植標榜自憐燬下焦亦值知音賞方當出肺
肝晨夕趨函丈金闕佇公歸無由挽輪鞅拭目上巖廊
獻納據忠讜網羅寒峻姿直道光吾黨

送計敏夫赴闕

衣冠半知識喜君天下士與學滄溟深高談風雨歇曾
中富經綸憂國心屢病誓言排閭闔開口獻天子時紕
道不伸倦懷歸故里盤礴曾幾時九天飛詔旨春風飽

征帆一葦吳江水見晚上應嗟使華聊復爾丞相君之
甥風流酷相似彤陛看摩肩笑談銷敵壘君家有世臣
名實耀國史奇謀付子孫鞭笞餘馬箠行增前德光更
雲中朝耻事成豈因人碌碌焉能比我昔綴僚末高山
日仰止窮達兩懸殊星辰視泥滓平生白眼多君獨掛
牙齒更須假扶搖南溟將一徙

送朱仲遠樊唐老趨闕奉大對

充城環髡山南嶺獨秀鬱何以獲佳稱上有朱鳳集三
欽定四庫全書
雲漢集
卷一
戰爭一鳴朝陽整雲翮今年二妙飛好語闕邦邑為言
皆老蒼文采勝疇昔其一出上黨其一出沛國同聲相
呼和深可調六律長風送天衢萬里纔一擊邕邕中簫
韶虞廷誰可匹四顧啁啾羣倪首不能息

送張安國赴天彭司錄

騏驎服鹽車垂頭困長道蒼鷹在韝繫側耳思秋草憶
昔初見公衮衮一傾倒平生仰止意相逢恨不早清輝
粲景星巨浸屹孤島徐榻未易解膺門但頻掃公才天

河傾顧我乃潢潦篠簜何足云所貴會稽寄魚泳烏雲
飛氣合無不可歲月忽荏苒何言賦離抱彭城不百里
揆袂空懊惱糾郡因多暇時政亦叢脞猾吏虎插翼疲
民葉振槁邦侯待裨益幕客要標表咄嗟贊畫諾談笑
辦紛擾江山頗足娛杯酒興不小措筇恣清游蠟屐縱
幽討雲煙入高躅詩句出餘巧升沉置勿問道義端可
飽眼前多少年難致涓川老儻令班中朝功業信不少
賤生宿所期志願慙未果因公激壯懷綠髮豈能葆還
欽定四庫全書
雲漢集
卷一
應最課績歸步直青瑣

送友人赴省

仲冬陰氣積嚴霜凍郊坰居人猶念寒子有萬里行此
行勿云遠去路青雲平驂駟無蹇步鴻鵠有脩翎聖明
圖治切仄席用儒生瞳矐九門闢紛袍集王庭吾子富
春秋詞學浩縱橫一吐經濟策唾手拾科名秋風歸故
里錦衣為親榮昵昵重離去莫學兒女情

和宋文淵送仲明舉西歸三首

丈夫志萬里耿耿抱長慮青雲却倦飛功業何由樹廟堂有先達體國心焦勞歸來掩關卧茅簷日色高

馬蹄厭長道詎忍別帝京夢想子規啼花落故園春山

驛暗孤燈江城歇滯雨悠悠秦蜀間慨然念今古

朔風吹別袂草色冷萋萋憑高望佳人天遠浮雲低恍

然從之游神魂坐飛越何當清夜語分此半床月

何耕道還邛南贈詩為別

古人不復見俗學尚穿鑿時花亦可觀潢潦終易涸暮

欽定四庫全書

雲漢集
卷一

十三

年識吾子志與流輩各入道窮根源高情轉寥廓詩章

富波瀾議論生鋒鏑胡為困窮途計拙客古雅出門春

草芳西風漸搖落我時喜過從妙語資發藥人情變炎

涼白首忽難託悵望鶴鳴雲羈懷每作惡告別何依依

交游義不薄行矣覲親闈菽水端可樂

送齊侍者南遊

癡癡行脚師要覓南方禪不知未舉足罪過已彌天三

千大千界當處本湛然若作如是解猶嫌墮一邊子今

腰包去慎勿求真詮真詮不可得往往成風顛芒鞋縱所之江山發清妍得住且即住飯了曲肱眠

贈明師

四民不相奪事業勤且專所適既多歧乃為異物遷初心轉錯亂故步成跼蹐一縱不可收有如解纜船而况佛之徒辭家童其顛耕耔兩不知蕭條香火緣胡為反自棄捨己芸人田筆墨殘畫永詞章奪春妍持此謁豪貴往往求知憐大事殊未明口張鼻撩天不見湯休輩

欽定四庫全書

雲漢集
卷一

十三

才名舉世傳形化心亦爾抱病歸黃泉汝質本渾金未逢妙手鑄好名一以誤沈溺在詩篇毫釐失千里萍梗空十年吾言雖屢苦掉首終弗然邇來心孔開舊學都棄捐青山決棲隱求師覓安禪聞之喜且疑此志諒能堅行矣無所贈短章當緡錢

諸公以嵩師破戒作詩嘲詠因次韻解之

老嵩悟塵緣洪爐一點雲飛行三界外宴坐常兀兀有如出籠鳥豈比縮頸龜萬象一詩本章句真瑣屑世人

不識渠小智互分別豈知日用處默語無殊轍春雷未
出地草木含凍結大聲歛然來蟄龍起脩骨神功無定
在作止纔一瞥以詩來議師所見何纖末想當聞此言
揮塵笑且咄惜哉二三子微溫更出沒眼翳揮未掃幻
化何從滅月體元自空三三認盈缺長篇陋摘錦敏思
遲擊鉢祇向語邊尋那解默時說

欽定四庫全書

雲溪集卷二

宋 郭印 撰

五言古詩

和何耕道別字韻詩

失身落宦網十載溪山別麋鹿念故棲舉目但愁絕偶
來招提遊幽亭坐深樾美人抗高論疊疊非涉獵忽焉
到佳處目擊了無說世患苦磨人吾肱已三折從茲數
訪君臨流弄明月

和淵明韻贈耕道

游從無俗調我輩鍾此情高談傲羲黃豈復念功名嗟
哉夸奪子役役勞其生得失動中懷寵辱多自驚形化
心亦爾闔棺竟無成

再和

學道無所得但忘物我情顏彭竟何在壽夭皆空名有
酒且斟酌同心唯友生江亭縱言笑鳥來語不驚昭琴
元未鼓誰復問虧成

和楊齊伯韻

邪師挾幻術念念皆狂圖化出一切象形容乃甚都佛
光亦幻成非有與非無煙霞異明晦寥廓元太虛離婁
塞其目象罔得玄珠脫能如是解安用空睢盱宇定天
光發豈關七尺軀癡兒生謗語往往墮眉鬚乃知西方
聖勇猛真丈夫聖人與人同此道誰不如歸來但宴坐
反照自有餘

和樊直夫兼簡允南

欽定四庫全書

雲漢集
卷二

二

士而志於道誰云不自量山海雖崇深行者尚梯航况
復我固有本根先混茫眇然一微塵猶足鑄虞唐隨遇
得真樂何適非道場回首觀世間汨沒誠可傷余豈不
知耶駑馬戀豆糠春林聽鳴鳥秋壁聞啼螢是心如死
灰妄念不復猖持此欲求交滿目都張張邇來得吾人
宿願欣已償文字果超詣聖門早升堂視彼俗學流一
一癡與狂所為雜霸下未可語皇王與君期戮力起廢
鉞其育相將入山中采薇以為糧

再用前韻

少年讀書時人謂未可量及乎泛官海慄慄乘危航帆
開風不順四望何淼茫為郎首已白安能笑馮唐緬觀
乾坤大分明一戰場何異兩虎鬪大小終死傷所嗟在
誅求舐米不止糠窮吐愁歎聲深秋聽蛩螢皇穹未悔
禍尚縱兵戈猖遂令四海人冥行日俵俵得非宿世業
今生來共償否極泰自至君臣嚴陞堂肯為阮籍醉忍
效接輿狂似聞申甫生天遣佐宣王一展活國手疾危
救在盲庶幾富斯民家家有餘糧

欽定四庫全書

雲漢集
卷二

三

和于子儀觀見贈二十韻

壯歲悟修性磨礪謝圭角墮身塵網中意氣翔寥廓動
遭白眼觀罕識黃金諾聖賢皆吾心所讀真糟粕妙處
誰與語此道今蕭索西施及嫫母本身非美惡掩聞學
宴坐浩氣合冲漠身世鴻毛輕利名蟬翼薄兀兀寡知
音頭童齒將豁向未得良友盃酒屢同酌見我輒傾倒
清音聰明鐸馬隊驤天驥鷄羣昂野鶴新詩續風騷久

矣無此作詞鋒敏而銳百獻敢一酢願君偃戈矛使我
堅城郭中虛道自來大信本不約養茲百鍊金劫火難
銷鑠心法兩俱忘無解亦無縛參乎一以貫回也不改
樂富貴何足云侯門空儲室

少虛用前韻見貽仍答二首

別君歲月多萬事皆非昔天昏慘暮雲愁緒繁堪織豈
期成東隣日造芝蘭室吟哦戒騷奴揮灑驚墨客猶嫌
小伎耳宴坐學欺魄人間脩流電悟此真良策堂堂少
欽定四庫全書

雲漢集
卷二

四

林老我豈得其骨君來叩兩端一笑非言默超然反其
真游子歸故宅玄機儻未領對面千山隔象罔亦何心
珠還赤水北聖賢勿云遠警咳常在側
倦游思林泉歸夢空昔昔田無二頃良何以充耕織古
來貴公子氣焰熏王室家饒數百僮門走三千客志滿
繫日生坐使天奪魄我今安下僚倖進無奇策空懷愛
主心但欠封侯骨躍金恐不祥守道甘沈默岷山高峨
峨其下可卜宅地靈雲物秀似與塵凡隔誅茅存晚計

好在西巖北每逢風雨夜念此空反側

當可有詩索和章次韻答之

日斜弄孤桐妙趣寄無絃暮天四垂幕溪山當華筵碧
玉湛新醪招集飲中仙雲車夜未散短燭蟠青煙合坐
皆豪俊風流踵前賢佳客吾豈敢追陪幸自天人材未
易得終夜喜不眠殊特見騷雅武庫森戈鋌未能當筆
陣敢發一矢先來意何以報慙無錦段鮮

次韻劉中遠見貽之什

欽定四庫全書

雲漢集
卷二

五

中原殺氣昏魚鳥巢穴改城池失金湯郡邑更守宰鸞
旗狩吳越朔騎滿淮海維蜀限山川無人識鏐鎡五年
愧端居萬里思行在官曹敢尸素職事甘煩猥儻得容
棲遲奚暇擇爽塏陋巷飽簞瓢隣牆挹蘭茝新詩出清
奇高論吐雄邁談諧不知倦氣充無是餒藉君風飄颻
祛我雲鰲鼉相期樹勲名戮力熙帝載

次韻宋南伯見貽之什

哀遲來作邑勞苦劇萬狀朝朝趨衙參歛版趨踉蹌病

驥耳雙垂蘭筋困銜鞅饑鷹長附人六翮空韝上緬思
陶彭澤解綬一何壯歸去事田園林木施幃帳隣曲喜
過從時節爭餽餉高山與流水無日不尋訪况逢桃李
春協氣郊原盎或携古筇行或放孤舟漾我欲追其蹤
卜築依清曠三徑落松花四牆圍竹篴縛橋架斜川鑿
戶延層嶂長笛月下吹逸響從風颺興來攜野老爛醉
傾村釀便足了一生折腰寧肯強十年計未遂口腹成
魔障蹉跎鏡中秋白髮不相放新交得山濤磊落多識
量志趣儻能同斯文未淪喪

欽定四庫全書

雲溪集
卷二

六

次莫少虛韻

富貴等勞生不如行樂耳遑遑觀一世榮辱隨債起幽
尋苦無暇佳處誰屈指春歸呼我游邂逅佳公子莫侯
江南秀幽香發蕙荳新詩更清激瀟瀟寒流駛錦屏有
蒲郎冰壺清徹底便腹久空洞了不見嗔喜歲晚得二
友追隨當行李五湖三江寬亦不遺洲泚偶來泛扁舟
朱墨推案几徜徉一水間便欲寄殘齒追觀少年心寂

冥已灰死窮通豈無命流坎聽行止岷山行築室計決
吾往矣斗酒相往還素約自今始

次蒲大受檢覆韻

身親掃除役敝袍染塵泥青雲一何高天險不可躋西
風吹秋來草木含淒淒羈鷹屢飛掣樞馬空鳴嘶丈夫
兩鬢斑籍未通金閨不如買田園荷鋤理蔬畦歲月無
停軌歸計亦已稽年來稍聞道所學忘筌蹄

次韻彥正兄見寄

轉食杭東州安閒遂忘歸蘭齋寒燈話忽作一年違江
流鯉魚遠但見鴻雁飛緘封一再啟字字蠅頭微書詞
與詩意髣髴聆音徵君如初生月浮雲翳其輝清光畢
竟滿安用長噓歎勉哉辨此心正直神所依

次何耕道韻

壯歲已倦游况今老大時素交久離索勞思何可支夫
子晚識面迥非塵中姿高言風凜凜直氣山巍巍欲登
公卿門進退尚狐疑飄然至是邦為言某在斯相見無

欽定四庫全書

雲溪集
卷二

七

別事清談白日移時時矜小技挽我賦新詩自憐憔悴
態容德愧姜姬辱贈何以報恨無瓊瑤辭

次揚拱辰韻兼簡馮可當劉韶美

窮居罕人事來往斷交親粗安鷓鴣居靡求尺蠖伸坐
看柴門外日飛車馬塵誰能學桔槔俯仰更隨人況今
世道喪風俗已澆淳為民非野鹿作吏無古循太倉五
斗粟食之愧高旻故人善處我儒官飽常珍風月即儕
侶詩書乃比鄰隤然一室中浩氣橫八垠劉郎晚相遇

欽定四庫全書

雲溪集
卷二

八

放曠如逐臣素心日傾倒吟嘯樂天真批糠嵇阮輩自
號葛天民馬曹似是耳寧畏官長噴墨池子揚子風流
吾里仁偶來官一邦眉端喜津津抵掌論進修德業須
競辰有時相就飲幕天地為茵馮君十年別龍鵠迹久
陳邂逅果山底一見兩脚跋初來梅萼吐欲去柳眉顰
平生知識多斯人罕其倫我今亦西矣筇竹訪峨岷憑
誰與之俱足跣頭不巾劉郎歸既趣楊子任方新從茲
遂分手三秋敵昏晨所期各精鍊加飡戒五辛他時共

相見兩頰桃花春

和元汝功元日感懷

少時喜節物常恨春來遲而今新年至懷抱不勝悲兒
童薦椒酒未飲增長歎陝洛果何罪半世戎馬嘶坐令
冠蓋流星散烏擇棲回頭望鄉國淚雨秋悽悽我公關
中豪志氣青雲齊誓當剪豺狼不復問狐狸夫何丘壑
間從事酒與詩煙塵要一掃橐弓卧鼓鞞天下維泰山
置器安不危廓廓大丈夫功勲千載奇

欽定四庫全書

雲溪集
卷二

九

正月初八日同莫少虛蒲大受王園泛舟各賦

二首

春江晚多思拂面風稜稜舟行明鏡中天水同一澄滄
波濯新柳喬松上寒藤風梅雪飄徑兩麥青平陵文魴
自潛躍好鳥相喚鷹倥偬日少暇因循來未曾清游鄙
謝傳豪氣壓陳登宜惟得佳士亦復同高僧幽情各披
寫醉語或侵凌偶茲愜懷抱蕭然遺愛憎曠野暝煙合
長林初月升回舟興未已孤塔耿疎燈

名園春信來冷眼思一窺吏文巧束縛穎脫迺不羈興
發勇欲往壯士先登埤但得一樽樂豈論官職卑况茲
橫清流適然副心期梅梢出翠竹照水兩猗猗野航轉
澄碧小雨斜風吹平生江海懷是日慰渴饑村迥孤煙
處林深幽鳥時端疑是吳越夢到身亦隨同遊客靡惡
喜氣回朝曦醉倒不自惜一葉忌傾欹新詩許共賦未
唱心力疲歸來已陳迹物理觀盛衰

和蒲大受王園泛舟用文老韻

欽定四庫全書

雲漢集
卷二

十

邑西屋連雲中有水竹居和風縱輕緝尚憶故年初川
光宛明媚况乘春雨餘臨波一以照颯颯鬢毛疎
江邊春色動水面縠文生陽和先着力岸柳搖金晶草
木有欣意人心隨物情日暮不知返逍遙興彌清
古木卧偃蹇脩篁立蔥青春風眇無迹林鳥報先聲
師任沿沂潭紋亂虛明佳人更吟詠洗我塵慮清
平生喜閒曠夢想祗山林曲江理煙艇魚鳥皆知音
晴天亂鳬驚相呼時一沉泊然淵中鱗潛伏恐不深

晚風江色佳水碧煙冥冥聊持一壺酒落日相與傾浮
榮何預人於焉樂此生往來信扁舟恍若空中行

感春

百花感陽和次第變枯槁寒梅秀臘前紅葉媚春杪無
端造化兒戲劇何小小迎春復送春堪笑枝間鳥我以
虛靜觀一室乾坤悄平生誦聖言聞道亦頗早了茲色
相空寧復問先後冥心大化俱左肘從生柳

中秋月

欽定四庫全書

雲漢集
卷二

十二

蕭蕭灝氣清風露秋將半今夕更無雲銀盤轉霄漢鳥
語茂林驚樹影空庭亂常時豈不佳作意人瞻翫我欲
上廣寒瑤瓊躡飛觀騎鯨諒不能永夜空慨歎歸來却
燕坐神光自輝煥始知方寸間桂闕元非遠

中秋馬溪山中望月

佳月四時有古來重中秋今夕萬里懷共作陰霾憂我
宿招提境山空夜更幽茲念亦未掃天際屢回頭永輪
湧碧空宇宙寒颼颼清輝聊一吸洗盡肝膽愁山中魑